

07.12.2025

Час 1/6

Тропарь воскресный, глас 1:

Ка́мени запеча́тану от иуде́й / и во́ином стрегу́щим Пречи́стое Téло
Твое́, / воскрeсл еси́ триднeвный, Спа́се, / да́руяй ми́рови жи́знь. /
Сего́ ра́ди си́лы небeсныя вопи́яху Ти́, Жизнода́вче: / сла́ва
воскресeнию Твоему́, Христe, / сла́ва Ца́рствию Твоему́, / сла́ва
смотре́нию Твоему́, еди́не Человеколю́бче.

Сла́ва Отцу́, и Сы́ну, и Свято́му Ду́ху.

Тропарь Введeния во хра́м Присноде́вы Мари́и, глас 4:

Днесь благово́ления Бо́жия предображе́ние/ и челове́ков спасeния
проповeдание/ в хра́ме Бо́жии я́сно Де́ва явля́ется/ и Христа́ всем
предвозвещáет./ Той и мы велегласно возопи́им:/ ра́дуйся,
смотре́ния Зижди́телева исполне́ние.

Конда́к Введeния во хра́м Присноде́вы Мари́и, глас 4:

Пречи́стый храм Спа́сов,/ многоце́нный черто́г и Де́ва,/ свяще́нное
сокро́вище Сла́вы Бо́жия/ днесь вво́дится в дом Госпо́день,/
благодáть совводя́щи,/ я́же в Ду́се Божeственным,/ Ю́же воспева́ют
А́нгели Бо́жии:/ Сия́ есть селе́ние Небе́сное.

Час 3/9

Тропарь воскресный, глас 1:

Ка́мени запеча́тану от иуде́й / и во́ином стрегу́щим Пречи́стое Téло
Твое́, / воскрeсл еси́ триднeвный, Спа́се, / да́руяй ми́рови жи́знь. /
Сего́ ра́ди си́лы небeсныя вопи́яху Ти́, Жизнода́вче: / сла́ва
воскресeнию Твоему́, Христe, / сла́ва Ца́рствию Твоему́, / сла́ва
смотре́нию Твоему́, еди́не Человеколю́бче.

Сла́ва Отцу́, и Сы́ну, и Свято́му Ду́ху.

Тропарь вмц. Екатерины, глас 4:

Добродѣтельницами, ꙗко луча́ми со́лнечными,/ просвети́ла еси́
невѣрныя мудрецы́./ И, ꙗкоже пресвѣтлая луна́ ходя́щим в но́щи,/
невѣрия тьму отгна́ла еси́/ и цари́цу увѣрила еси́,/ вкúпе же и
мучи́теля обличи́ла еси́,/ Богозв́анная невѣсто, блаже́нная
Екатери́но,/ желáнием востекла́ еси́ в Небе́сный черто́г/ к
прекрасно́му Жениху́, Христý,/ и от Него́ ца́рским венце́м
венча́лася еси́:/ Емýже, со А́нгелы предстоя́щи,/ за ны моли́ся,/
творя́щая пречестну́ю па́мь твою́.

Кондак воскресный, глас 1:

Воскрéсл еси́ ꙗко Бо́г из грóба во сла́ве, / и ми́р совоскреси́л еси́; /
и естество́ челове́ческое ꙗко Бо́га воспева́ет Тя, и сме́рть исче́зэ; /
Ада́м же ликýет, Влады́ко; / Ё́ва ны́не от úз избавля́ема ра́дуется,
зовýщи: / Ты еси́, И́же всѣм пода́я, Христé, воскресéние.